



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,  
*manè discutienda in Scholis Medicorum die Sabbati undecimâ-tertiâ  
Januarii M. DCC. XLII.*

M. JOANNE DE DIEST,  
Doctore Medico, Præside.

*An rarò Hemorrhagiis Adstringentia?*

I.



UOS morbos latini sanguinis profluvia, eosdem græci dixerunt *Hæmorrhagias*. Harum ferè totidem species sunt quot partium. Quædam nullo, proprio quædam nomine donantur. Si ex naribus stillat fluitve sanguis, hæmorrhagiam simpliciter dicunt. Si ex ore rejicitur, varia pro partium undè manat diversitate nomina mutuatur. Cùm glutinosus Tonsillarum & faucium mucus striis saturatè purpureis variegatus scretu expellitur, sputum audit cruentum. Audit & idem sanguinolentus humor; sive à membranâ pituitariâ depluens, in os devolvatur saliva permiscendus; sive ab interiori tracheæ tunica exudans, cum titillationis sensu sursum pellatur ore expuendus. Cùm vividè rubens & admixto aëre spumofus sanguis tussiendo è pulmonibus dimanat, *Hæmoptysis* nuncupatur. Cùm tractis in consensum diaphragmate & musculis abdominalibus, molestiana

A

molem, atro-rubentes grumos è sinu suo expellit ventriculus pleno ore evomendos, cruentus adest vomitus. Huic si accesserit nigra picque similis & graveolens alvi defectio, niger Hippocratis morbus est. Si ex urinaris viis elabatur sanguis, cruenti mictus nomine insignitur; seu aequaliter urinæ permixtus, moxque liquidus subsidens, à renum substantiâ eructetur; seu concretus urinæ subjacens, a ruptis vesicæ varicibus oriatur. Si ex apertis circa recti intestini fines repentibus arteriæ, mesentericæ inferioris, aut venæ portarum ramificationibus, anive exteriora ambientibus aortæ aut venæ cavæ capillamentis erumpit sanguis, fluxum dicunt hæmorrhoidalem. Cùm ex uteri vasis præter consueta menstruæ periodi tempora disfluat, & copiosus, hæmorrhagia uterina appellatur; lochia immodica nominandus cùm celebrato partu, ab eodem fonte erumpit abundantior. Memoratas in praxi quotidianâ observare hæmorrhagias non infrequens. Rarids visæ tamen sunt mulieres per oculos menstruata; visæ gerentes utero matres sanguineæ ex mammis; (a) fluxu, ultimis ante partum hebdomadibus laborantes; visum ex umbilicò (b), ex genu (c), ex minimo manû digito (d) sanguinis stillicidium, nullo, cessante fluxu, remanente unde manarat vestigio; vili periodicum sanguinis profluvium per penis integumenta (e) patientes viri; visæ varices sanguinem profundentes (f); visus cruento sudore madens habitus corporis universus; visus tandem, quod rarissimum, ex omnibus simul sensibilibus corporis aperturis miserè disfluens (g) sanguis. Recensitas hæcendûs hæmorrhagias, externas meritò dixeris, quibus nempe foras pellitur sanguis. At cruor cæca quandoque subit coporis penetralia, internasque parit sanguinis eruptiones, certam perniciem allaturos. Testes sunt. pleraque quoque Apoplexiâ forti demortuorum secta fuerunt (h) capita. Testis est anatomia practica, oriundas sapissimè ab effuso interius sanguine mortes repentinâs (i) exhibens. Testes sumus & nos, dum enim a firmissimâ sanitate in ore fauces de repente conjecimur, curiôsî secamus juvenulam, sanguine abundanter effuso immersâ confiximus abdominis viscera. Sua sunt singulis ætatibus, temperamentis, anni temporibus, sexibus propria & dicata quasi sanguinis profluvia. Pueris, temperamento sanguineis, Maribus, circa æquinoctia, frequentior narium hæmorrhagia. Apud juvenes, temperamento cholerico-sanguineos aut melancholicos, sequiorem sexum, hyemali tempore, sævit potissimum hæmoptysis. Adultis, sanguineo-cholericis, mulieribus, familiarior cruenta vomitio. In viris, & mediâ ætate constitutis, fluunt imprimis hæmorrhoides. In senibus sexuque nobiliore, sæpius cruentatur urinæ. Omne sanguinis profluvium vel criticum est vel symptomaticum, id est salutatum vel peticulofum. Priori nulla nisi modum excedat debetur medicina, imò ejusdem absentis beneficia, vicariâ sanguinis missione paranda sunt. Posterius frangere indiget, at quæ frangum illi injicias vide diligenter. Non rarò enim sponte cessant sanguinis profluvia; frequentius, incongruâ medicatione vel vires acquirunt, vel repente cohibita pejoribus malis locum cedunt. In reprimendis sanguinis eruptionibus, ea rarò adhiæas medicamenta, quæ quidam sanguinis effluxum cohibent aliquando, eundem verò non rarò augent. Ea parè usurpes remedia, quæ spasmos

(a) Junker, consp. med. tab. 133.

(b) Fabric. Hildan. cent. 3. obs. 37.

(c) Bartholin. obs. anat. cent. 1. hist. 30.

(d) Salmuth. cent. 3. obs. 36. Hentic. ab Heer. obs.

23. & 36.

(e) Stalpart van der Wiel. cent. 1. obs. 80. Hoffm.

quæ. 3. sect. 1. cap. 3. §. 23.

(f) Junker. ibid. tab. 3.

(g) Wedel. amenit. nat. med. lib. 2. sect. 2. c. 19.

(h) Theophr. Bonnet. sepulch. tom. 1. lib. 1. sect. 2.

de ap. pl. lib. 4. 7. 9. 11. 12. 13. 15. 17. 18. 19. 20. 21.

22. 29. 35. & in additam. ab hanc sect. obs. 2. 3. 13. 15.

[Hoffm. ibid. tom. 4. sect. 1. cap. 7. Wesp. hist. apopl. hist. 1. 2. 3. Id. in advar. extram. hist. lib. 1. 11.

(i) Bonnet. ibid. tom. 1. lib. 2. sect. 11. obs. 1. 10.

44. & in additam. ab hanc sect. obs. 4. Lancisi. tract. de

Mortib. subit. lib. 1. cap. 8. 19. Id. lib. 2. cap. 1. Id. in

observ. physico. anat. nonnullorum qui repente perire

observ. 5. His omnibus observationibus, accedit alia 2

Cl. viro D. Col de Vilers Decano vicini, communicata,

hominis scilicet de repente mortui, cujus aperto cadave

vere, maxima sanguinis adhuc fluidi copia intra petecae-

dium fuit reposita.

tollere nesciunt, eosdem atcessunt sapius. Ea cautè in usum revoces auxilia, quæ spissiore sanguinis & humorum crasim dissolvere, compescere *expansionem*, motus violentiores moderari, redundantiam imminuere, haud quaquam valent. Ea timidus propines pharmaca, quibus viscerum tollendi obstructions potestas nulla est, quibus nimium fibrarum elaterem infringendi, consuetas sanguinis, aliudve generis evacuationes revocandi, prorsus denegata est potentia. Ea demum ab hæmorrhagiarum curatione summoveas medicamenta, quæ cum immediato potissimum contactu operentur, rariùs ad partem sanguineo fluxu tentatam queunt pertinere.

I I.

**H**ÆMORRHAGIIS, si nimia fuerint, malum formidabilius nullum. His nempe exhauriuntur spiritus, prostrantur vires, extinguitur calor, reciproca solidorum & fluidorum in invicem actio fatiscit, simulque cum sanguine vita fugit. Tam funesta sanguinei fluxus consecraria præcavere cupis? Quibus de causis sua purpureus latex perumpat claustra scire priùs necessum est. Multiplex illarum numerus. Est ubi a sanguine nimium rarefacto, vel fortius per vasa moto, trahunt natales hæmorrhagiæ. Sic immoderata corporis excitatio, incundia vehementior frequentiorque, sanguinis motui dum calcar addunt, ejusdem pariunt profluvia. Sic nimius liquorum ardentium potus, aeris æstus fervidior, motus febrilis intensior, insuetam dum cient humorum *expansionem*, vasorum rupturam, contentique sanguinis effluxum causantur. Est ubi a stagnantibus aut congelis in aliquo viscere humoribus, arctiori carcere definitus sanguis exitum molitur & invenit. Sic liene obstricto è sinistrâ (a), hepate infarcto (b) è dextrâ nare stillat sanguis. Sic sedula cadaverum exploratio docet, hæmoptylis, necnon uterinæ hæmorrhagiæ parentes haud infrequentes esse polyposas in pulmonibus & in utero concrectiones (c). Est ubi sanguis copiâ luxurians, humorum spissior indoles, evacuationum naturâ vel arte fieri solitarum defectus, reversuro ad cor sanguini nectendo moras, redundantis purpuræ effusioni anam præbent. Sic plethoricis, torpentem ocio vitam agentibus, sicciorum alvum deponentibus, mulieribus non menstruatis, familiares a modum hæmorrhagiæ. Aliquando inconsultè aut fortuito casu cohibitam hæmorrhagiam periculosus ex aliâ parte excipit sanguinis profluvium. Sic imprudentem fluentis è naribus sanguinis medicationem, sequitur quandoque non medicabilis in cerebro sanguinis effusio. Sic ab hæmorrhoidibus temerè retropressis originem nunquam non ducit mictus cruentus. Sic immodico mensurorum fluxu vel cito nimis, vel perversâ methodo liberatæ mulieres, immani sanguinis vomitu aut tabem prænuntiante hæmoptysi divexantur crudelius, nec raro. Est etiam ubi resecto ampliori quodam membro, superflua sanguinis pars aliena ad disruptionem usque distendit vasa, factoque demum impetu foras prorumpit (d). Quas modò recensuimus, occasionales tantùm sunt hæmorrhagiarum causæ. Proxima illarum causa spasmus est. Estuent quantumvis humores, obstruantur viscera, sanguinis sub pondere gemant vasa, mens irâ exandescat, intus retineantur excernenda, hic & illic hæreat spissior sanguis, fontemque à quo scaturit ægrè repetat, modò spasmodica absit partium contractio, consuetos limites non transiet sanguinis purpura. Verùm quacunque ratione impedito alicubi sanguinis motu, validior superveniat partium tum internarum, tum externarum contractio, oculis retroacti humores in loca delicatioribus membranis circumtensa, valisque suffulta tenerioribus solito vividius impingunt & arietant, jamque moræ impatiens latex purpu-

(a) Cælius Aurelianus, lib. 1. cap. 4. Junker. tab. 66.

(b) Boerh. aph. 923. Junker. tab. 65.

(c) Hicquius, sacch. rat. tom. 3. sect. 1. cap. 8. §. 45. &

cap. 16. §. 9.

(d) Lomius, obs. med. lib. 2. Hoffm. tom. 4. par. 2.

sect. 1. cap. 1. §. 12.

4

reus, ruptis repagulis, fugam propebat. Viden ut fluxurum è naribus sanguinem antecedant, quin & quandoque comitentur cutis horror, extremorum frigus, membrorum lassitudo, alvi siccitas, dolor capitis gravativus? Viden ut hæmoptyses paroxysmum portendant habitus corporis universi horripilatio, valorum in manibus detumescentia, pedum frigus, medius inter scapulas doloris sensus, artuum gravitas, spiritus difficilis? Viden ut jamjam grumolum è ventriculo sanguinem vomitu rejecturus, tensivum & puncturium in lato hypochondrio dolorem expeziatur, anxietates in præcordiis perfenscat, animo sæpius deficiat? Viden ut instante uteri hæmorrhagiâ tenduntur hypochondria, dolent lumbi, algent extrema, stringitur alvus, faciem pallor occupat? Viden ut æger præ frigore contremiscit, ut ipsum cruciant docti coxendicumque dolores, ut arent fauces, ut tangenti digitorum resistit pulsus durior, ut parca tenuisque mingitur urina, ut flatibus turget abdomen, ut anum torquet lancinans dolor? Totidem mox sequuntur fluxus hæmorrhoidalis præludia. Viden ut micum cruentum prænuntiant membrorum torpor, ægre respondens alvus, molesta lumborum, inguinum, pubisque sensatio? Tanta est spasmodicorum in profundendo sanguine efficacia. Simplicissimus illorum agendi modus. Quippe in partibus à corde remotissimis orti, sanguinis ab arteriis in venas commeatum sistant, inde versus interiora progressi, venarum cogunt diametros, cogunt & arteriarum alveos. Hinc præceps venosi sanguinis ad cordis ventriculos appulsus, intereadum pertinaciter ad se mutuò adducta arteriarum latera, jam contentum motu retrogrado urgent sanguinem, nedum de novo appellentis impetui pareant. Hinc cor ingeminat ictus, quævis fluidorum quâ obruitur molem disturbet, ipsique inveniunt locum. Hinc fortior sanguinis à centro ad peripheriam nifus. Hinc tunicis definita mollioribus vasa magis distenduntur magisque. Hinc tandem diffiliunt, liberioresque sanguini pandunt viam. Sic intellecto nature in producendis hæmorrhagiis mechanismo, quid in iis curandis factio sit opus elucescit. Has genuit, spasmus, spasmus ergo si adsit leniendus componendusque, si jam remisit præcavendus. Primum feriunt scopum frictions, pediluvia, enemata emollientia, copiosius calidæ haustus, nit. osæ, papaveracea, ipsaque aliquando narcotica. Sed spasmi ortum dederunt dabuntque iterum sanguinis plethora aut ætus. Spasmi igitur præcavebis plethoram tollendo, ætum comprimendo. Hunc & illum pariter sedat tollitque repetita pluries venæsectio, ætum imprimis moderatur refrigerans potus, nitrosus, acidulatus, serum lactis, emulsiones, &c. Necdum tamen omne pectus tulisti. Removendæ si quæ sint viscerum obstructions, attenuandus spissior sanguis, placanda febris, revocandæ quæ silent secretiones. Verbo dicam, æquabilis liberque per singula corporis vasa reddatur humorum itus reditusque, aperta prius sponte coalescent vasa, nec inſuetam calcare viam tentabit ulterius unda purpurea. I nunc, totusque in astringendo, quem vi coactus sanguis sibi paravit exitu, solidis partibus erethismum inferas, omnis generis evacuationes suffragamina, succos in visceribus congeras, ipsoque morbo formidanda magis adhibeas medicamenta.

#### I I I

**A**DSTRINGENTUM nomine ea apud medicos veniunt medicamenta, quæ villis partium elementares ad intimiorem contactum adducunt, membranarum texturam reddunt firmiorem, ingentium vasorum parietibus elaterem ita valent intendere ut omnem inde præ nimiam rigiditate amittant motum, eorumdem ita contrahunt oscula ut effluxuris humoribus via præcludatur. Amplissima horum remediõrum familia, paucissima ex animali regno; multa eaque sat potentia ex vegetabili; ex minerali pauca depromuntur, sed validissima. Inter usitatiora recentur. radices. Tormentillæ, Bistortæ, Pentaphylli, Plantaginis, flores. rosarum.



rubrarum, Balaustiorum, Chinæ & Granatorum cortices, fructus Myrtillorum, Cupressi nuces, Acaciæ & Hypocystidis succi, Sanguis draconis, Corallia, terræ sigillatæ omnes, Unicornu fossile, Bolus armena, terra improprie sic dicta Catechu, Cornu cervi & Ebur usta, Hamatites lapis, Crocus martis adstringens, Alumen, omnis generis Vitriola, Colchotar, spiritus acidi minerales. Adstringentibus omnibus sapor competit acerbus, austerus, terreus, acidus, stypticus, saltem ex illis unus. Si labiis linguâ vel subformâ solidâ superponantur, ipsis adherent non sine vi avelenda, quo madent illæ partes humorem avidè combibunt, porosque novus unde exhalasset humor constringendo, easdem cum avulsa fuerint aridas relinquunt & exsuccas. Si sub liquoris specie vel summis labris degustentur, ipsa pungunt, vellicant, contrahunt, corrugant, exsiccant. Ab interno & largiori illorum usu comprimitur alvus, pulsus fit durior, sitiunt fauces. Suam vim omnem repetunt aut ab elemento martiali, aut à principio terreo, aut ab acido fortiori, vel solo, vel cum terrâ metallisve conjuncto. Acido solo constringunt spiritus acidi minerales. Metallo pariter & acido unâ copulatis, acceptam referunt fibras compingendi efficaciam vitriola. Adstrictoriam facultatem in alumine, radicibus, fructibus, succisque superius dictis dividunt simul acidum terreumque elementum. Martiali principio operantur crocus martis & lapis hamatites. Terræ quâ tota ferè constant stringendi virtutem debent unicornu, cornu cervi, testacea, &c. Injuncta vivorum animalium venis decocta spiritusve adstringentia, (a) sanguinem coagulant, circulationique proflus ineptum reddunt. Sanguini ex arteriâ prorumpenti admixta eadem, ipsi fluiditatem adimunt, (b) inque massam plus minùsve pissillam convertunt. Ne credas tamen hæc experimenta, in hæmorrhagiarum curatione medicamentis adstringentibus palmam deferre. Omne quod operantur à spasmodicis constrictionibus quas in toto nervorum systemate suscitant deducendum est. Enimverò quantâ pertinaciâ ab interno adstringentium usu alvus claudatur animo revolvat; cogites incredibilem, microscopisque necdum visam, osculorum quibus hiant venæ lactæ angustiam; attendas quàm nervus sit, quàm sensibilis, quantum ad spasmos proclivis universus primarum viarum apparatus; in mentem revoces quantâ vi vel solo adstringentium contactu accedant ad invicem, penèque cum axi coincidunt majorum vasorum lateta; lubens fateberis omnem sibi met ipsis ad commune humorum oceanum viam interceptura esse (c) hausta interius adstringentia. Quid igitur ab hujusmodi remediis in eradicandâ hæmorrhagiarum causâ est expectandum? Rigentes spasmus membranas non laxant, tendunt contrâ. Turgentem æstu sanguinem non componant, mole excedentem non minuunt, lentore peccantem non dissolvunt, nimiam abreptum velocitate non retinent, obstructa non referant viscera, concretam in polypos lympham non dividunt, cessatas demum evacuationes non restituant, legitimas è contrario minuunt, impediunt, sistunt omnino.

(a) Joan. Freind. *Emmenol.* cap. 14.

(b) *Id. ibid.*

(c) *Vid. Tralles. tract. de terr. remed. cap. 1. §. 12.*

# I V.

**H**ÆMORRHAGIAS adstringentium ope corceri nemo nescit. Ab adstringentibus posse easdem foveri, quin & augeri aliquando nequidem verosimile videretur, nisi quotidiana illud monstraret experientia. Testes appello Clinicos expertissimos. Quot non viderunt adhibitis nequicquam adstringentibus vitam cum sanguine fundentes ægros? Quoties sanguinem serie tantùm interruptâ, nec velocitate copique nimis prius effluentem, ab interno potissimum stypticorum usu, pleno jam gurgite profluentem mirati sunt? Tàm stupendi phenomenon rationem declarant superius exposita adstringentium saporès, virtus, principia, effectus. Seu enim externè admoveantur quod tutius, seu quod periculi

plenissimum interiùs assumantur; non modò quas tangunt fibras contendunt, denfant, abbreviant; vasorum quibus offeruntur alveos angustiores reddunt, ora coarctant; partium quas affricant molem deprimunt, stringunt, minuunt; sed neque etiam iidem sunt ipsis agendi, ac partibus quibus applicantur extensio- nis fines. Nervorum interventu ad remotissima quæque loca diffunditur adstrin- gentium vis. Universalis inde oritur fibrarum tensio, inde vasa omnia imprimis capillaria fortius constringuntur, inde circuitus sanguinis turbatur æquabilitas, Inde iniquo inclusi spatio humores versus ostia jam patentia ruunt factò agmi- ne, fomitentque fluxui sanguineo subministrant. Equidem si largiores ingesseris crebrioresque adstringentium doses, hæmorrhagias subito cohiberi continger. Verùm quis fando enarrabit quot & quanta inde exurgant damna. Narium hæmorrhagias stypticis curatas presso pede insequuntur (a) comata, deliria, apoplexia, mortes repentinae. *Large sanguinis ex naribus eruptiones per vim suppressæ, interdum convulsiones accersunt, unde liberat vene sectio* (b). Hæmopty- sim vi cohibita excipiunt asthma, tabes, sputum purulentum, hydrops pecto- ris (c). Retropulsa adstringentibus cruenta vomitio cachexiam, ventriculi in- flammationem, pathematata hypochondriaca ægris sapissimè insert (d). Nimis im- petuose sistentibus remediis medicata, in tenum exulcerationem putredinemque abit mistio cruenta (e). Nulla non importat secum funestissima symptomata hæmorrhoidum (f) per medicamenta validè constringentia facta suppressio, scilicet dolores colicos, melancholiam, maniam, catarrhos suffocativos, præ- cordiorum anxietatem, morbum attonitum, orthopneam, icterum, animi de- liqui, cordis palpitaciones, motus convulsivos, aliosque sexcentos agro me- dicoque pariter crucem figentes affectus, ut tabes & hydrops. Hinc Hipp. (g) *Diuturnum sanguinis profluvium per ora venarum que in ano sunt, curanti, nisi una servetur periculum est ne aqua intercurrent aut tabes succedat*. Menfes immodi- ci per validiora adstringentia intùs retenti, lentas & hæcticas febres, suffoca- tiones, fluores albos, uteri ulcerationes, omnesque quos egregie adeo simulat morbos passio hysterica in mulieres operantur (h). Quid plura? aliquando seda- tis adstringentium beneficio hæmorrhagiis, dum se ab insidiis tutum credit ager, sanguis viribus recollectis, obstructos recludit exitus, animamque nullà jam arte revocabilem auferendo secum, novos acerbioresque excitat luctus. Tot cladium quos pariunt adstringentia non longè querenda ratio. Non secùs ac enim torrens opposito aggere factus velocior vicina remotaque loca devastat, ita & sanguis in cursu impeditus, clausamque offendens quam sibi fecerat viam, va- rias partes mole suà impetit, nunc sibi ignotos subit vasorum lymphaticorum mæandos paritque inflammationem suppurationis prodromum, nunc diversis in locis hæret, spissescit, pluriumque morborum chronicorum radices agit. Modò obruit cerebrum, & lethalem nervis insert compressionem. Modò membrana- ceas intestinorum tunicas molestè distendit, alias infarcit pulmones, vitalis antiæ motum alias intercipit. Nec solum libera sanguinis effusioni obstando tam diras edunt strages styptica medicamenta. Quæ ipsorum usum subsequuntur alvus adstricta, oris siccitas, pulsus durities, universum genus nervosum ab ipsis spasmodice contendi ferèque immortui reddi demonstrant. Quid mirum igitur quod feriente vasorum nimis rigentium oscillatione, mille in locis detinea-

(a) Hoffm. rom. 4. part. 2. sect. 1. cap. 1. §. 17.

(b) Hipp. coac. p. 12. sent. 33 §.

(c) Junker. consp. med. tab. 8.

(d) Id. tab. 9. Hoffm. ibid. cap. 3. §. 11.

(e) Hoffm. ibid. cap. 6. §. 17. & cautel. clin. ejusd. cap. 5. Junker. tab. 10.

(f) Id. tab. 11. Albert. trad. de hæmorrhoid. diss. de hæmorrhoid. supp. thes. 6.

(g) Aph. 12. sect. 6.

(h) Hoffm. ibid. cap. 5. Cautel. clin. §. 4. Junker. ibid.

tab. 14.

ut sanguis velut in angustias conclusus, quod in visceribus congerantur humores, quod lentescant fluida, quod polypi generentur, quod oriatur organa secretoria, quod sanguis hic & illic obices nactus, alibi feratur impetuosis, quod æstu jam fervens fortius adhuc ebulliat, quod & ipsa inde oriatur morborum fecunda parens plethora. Et sane cum nihil aliud sit illa quam vasorum capacitatem inter & humorum redundantium molem sublata proportio, nonne idem est immutata quantitate fluidorum, vasa spasmodice coarctari, ac manente eadem vasorum diametro, augeri sanguinis molem. Dicam quod res est, amplior esset profecto mirandi locus, nec jam ad Mechanicæ & Hydraulicæ regulas componeretur humana machina, si tot incommotis vacaret adstringentium usus frequentior.

## V.

**S**ED inquit, ergo nunquam licet in curandis hæmorrhagiis usurpare adstringentia. Minime. Licet in symptomaticis, sed raro. Non statim, sed sub finem. Non simul & semel, sed successivè. Non largâ, sed remissiori dosi, adhibitoque sufficienti vehiculo. Non vigentibus in corpore spasmis, sed penitus compositis. Non turgentibus sanguine vasis, sed repetitâ venæ sectione prius depletis. Non expansis ultra modum humoribus, sed in totum sedato illorum æstu. Non hærente adhuc dum in visceribus, eademque cumulante sanguine, sed solutis omnino obstructionibus. Non si moderatè, nec nimia quantitate fluat sanguis, sed ubi maxima subsequens virium jactura, extremum ægro minatur vitæ diem. Non inexpectatæ alterius generis remedium efficaciam, sed cum exhibita incassum fuerint auxilia causæ morbi accommodata. Hæc etiam in præscribendis adstringentibus maxime tenenda cautio, ut scilicet à lenissimis ducatur initium, sensimque fiat ad validiora progressus, quibus tamen ultimis nisi summa urgeat necessitas abstinere erit prudentissimum. Insupèr cane pejus & angue fugiendus internus adstringentium usus, quippe qui intestinorum, nec non omnium viscerum chylorumque claterem destruat & tonum, levaminisque multo minus sanguinem cohibendo afferat, quàm noxæ, firmiorum obstructionum fundamenta constituendo. In criticis sanguinis eruptionibus exulanda prorsus adstringentia. Tanquam salutares expedites se naturæ motus excipienda sunt hujusmodi profluvia. Hæc igitur turbate nefas. Enimverò inquit Hippocrates. *Quibus in febre aures obsuaverint, sanguis è naribus effluens morbum solvit (a).* Quibus spes est abscessum fore ad articulos, eos abscessu liberat urina.... Si vero etiam ex naribus sanguis eruperit brevi admodum solvit (b). Mulieri mensstruis deficientibus, è naribus sanguinem fluere bonum (c). Capiti laboranti, & circum circa dolenti, sanguis effluens per nares, aut per os, aut per aures, morbum solvit (d). Melancholicis & nephriticis, hæmorrhoides supervenientes bonum (e). Insanientibus si varices, aut sanguinis profluvium per ora venarum quæ in ano sunt, hæmorrhoides dicuntur, accesserint insanie solutio sit (f). *Largæ sanguinis hæmorrhagia à magnis morbis liberat (g).* Et Duretus febres ardentes in juvenibus sanantur per hæmorrhagiam (h). Juvat nunc fundatam ratione & experientia conclusionem præstantissimorum practicoꝝ testimonio confirmare. » Ubiqueque fiunt fluxiones sanguinis ab obstructione vasorum & ab ordinario denegato spatio, ab orgasmo, à copiâ, ita ut sanguis contineri alveis suis non possit præ angustia & rarefactione nimia, sed cogatur derelinquere stationem » & alibi exitum querere, adstringentia eadem non remorantur, sed promovere » potius. Quando datis tunc tempore adstringentibus tenduntur & corrigantur.

(a) Ap. 60. Sect. 4.

(b) Aph. 74. Sect. 4.

(c) Aph. 33. Sect. 5.

(d) Aph. 10. Sect. 6.

(e) Aph. 21. Sect. 6.

(f) Aph. 21. Sect. 6.

(g) Libr. 2. epid.

(h) Comment. in Coac. Hipp. pag. 345.

» magis fibræ angustaturque magis spatium, fieri aliter non potest, quàm ut ex-  
 » primatur cogaturque humor.... Conveniunt autem illa potius quæ sanguinis  
 » circulum in ordinem redigunt, auferuntque vim illam coactivam, venæ sectio,  
 » purgantia & aperientia ipsa « (i). Nec faustiora de adstringentibus prædicar  
 » *Junkerus* » facilius est hæticam per adstringentia provocare quàm hæmorrhagias  
 » per eadem sistere : nam in parvâ dosi exhibitâ, fluxum non sistant, sed potius  
 » augent, quando autem copiose ingeruntur, succedunt obstructions viscerum  
 » & his confectaria, nempe stases, suppurationes &c. (k) « Germanorum verè  
 » Hippocrates *Frid. Hoffmannus* ita de adstringentibus disserit. » Positive adtrin-  
 » gentia, quæ eminentioris sunt virtutis & aultero ac fixiori elemento agunt, na-  
 » turæ inimicissima sunt; quin imò veneni cujusdam naturam in eo æmulantur  
 » quòd gravissimam noxam valetudini inferant (l). *Idem*, nunquam hæmorrhā-  
 » gia licet fuerit enormis, quando à causâ internâ proficiscitur, fortiori medi-  
 » cina styptica reprimenda est (m). *Idem*, adstringentia naturæ animantium & vi-  
 » talibus motibus minùs favent & amica sunt, adeoque nec satis fida, nec secura  
 » nisi magnâ cum prudentiâ adhibeantur; experientia enim in dies docet, ab im-  
 » providè datis constringentibus in compefcendis nimis sanguinis fluxibus innu-  
 » mera damna & noxas induci, ac perquam facili inde ægrotantes lentas febres,  
 » cachexiam, tumores œdematosos, affectus spasmodicos, colicos & hypochon-  
 » driacos incurere (n). *Idem*, sicuti remedia quæ validiori adstringendi facultate  
 » pollent, nunquam ullo in morbo, ita nec in hæmorrhagiis securam operam  
 » præstant (o) « Hanc etiam de adstringentibus sententiam calculo suo compro-  
 » bat *Lud. Baltaz. Tralles* » studiose hic de adstringentibus taceo, quæ in hæmorrhā-  
 » giarum omnium medelâ aut nil valent aut nocent, nisi fortè tanquam topica ipsi  
 » parti affectu ea applicare licet. Tùm verò quando immediatè agere possunt in  
 » vasa cruorem plorantia virtus eorum non proletaria sæpius animadvertitur. «  
 » Ex dictis hæcenus pater jam evidenter 1°. criticas hæmorrhagias nunquam esse  
 » cohibendas, nedum id fieri adstringentibus debeat. 2°. Ad tollendas symptomati-  
 » carum causas inepta esse ut plurimum styptica remedia. 3°. Tutum non esse illo-  
 » rum usum, nisi cum immediatus hæc inter & vasa disructa dari potest contactus,  
 » quod cum raro admodum possit contingere, liceat concludere.

(i) Wedel. amœnit. mat. med. l. 1. sect. 2. c. 2. art. 11.

(k) Censp. med. tab. v.

(l) Med. rat. tom. 2. part. 3. cap. 4. §. 9.

(m) *Ibid.* tom. 3. sect. 1. cap. 6.

(n) Tom. 3. sect. 2. cap. 6.

(o) Tom. 4. sect. 1. cap. v. §. 8.

(p) Traët. de virib. terrore. remed. cap. 14. §. 6.

*Ergò raro Hæmorrhagiis Adstringentia.*

DOMINI DOCTORES DISPUTATURI.

*M. Josephus de Jussieu.*

*M. Robertus - Hubertus Lin-  
guet.*

*M. Camillus Falconet, Salubris  
Consilii Regii Socius, & è  
Regiâ Numismatum Aca-  
demiâ.*

*M. Henricus-Franciscus Bour-  
delin, Scholarum Professor.*

*M. Petrus Roussin de Monta-  
bourg, Consiliarius Medicus  
Regis ordinarius, necnon ur-  
bis Regiæ, Regique Noso-  
tomii San-Germani in Layâ.*

*M. Hyacinthus Theodorus Ba-  
ron, Antiquus Facultatis  
Decanus.*

*M. Antonius-Joannes Daval.*

*M. Achilles Franciscus Fontai-  
ne.*

*M. Joannes - Franciscus Con-  
victier.*

Proponebat Parisiis, THEODORUS BARON D'HENOUVILLE, Parisinus,  
Baccalaureus Medicus, A. R. S. H. 1742, à sextâ ad meridiem.